

大清光緒廿五年

本館新開除禮拜外每日出論
本館外埠均可函致本館取
本館如外埠閱報加寄費不
也除日本英德法各國書裁
惜工本從英德法各國書裁
刊印各器以待與各官紳
體活字及各式花邊等國各
西人排印工藝甚精所有中
印字大小機器均用精工刊

第五千三百七十二號

申報

(號七第牌門口虱巴舊在設開館本)

印工級倫並延有文士書
寫各體文字現由上海購到
各種書籍出售其書目另行
刊佈所有各項原稿其相宜
本館所登來札原稿其相宜
世道人心者附登否亦須無
礙於人而後始錄其有謬誤
成文以及支離費解者概不
登錄更須寫明諸君來札尚
自諒更須寫明諸君來札尚
將原稿收回也本館謹白

己亥九月廿三日

大英一千八百九十九年十月十七號(五拜號七十月十年九十九百八千一英大) 仙查字每日首白告倘五張每售廉圓壹月每

本館告白 ○啟者本館現在改派晚報凡諸事務不無少忙嗣後 諸君有告白惠刊本報者除禮拜外請於每日下午二點鐘以前送到俾得趕登即日報章若送到過遲本報已經排印則莫能趕及不得不俟諸來日矣用特佈告 本館謹啟

添請採訪人告白 ○啟者本館近擬添請採訪人一名其人須熟悉本坡各事宜及通方言并須略諳華文方能合用 諸君願承斯乏請至本館面商可也 本館謹啟

論俄國兵力

俄國向日支撥兵費九百萬磅以增設海軍又改定陸軍制度擬添其兵雖忿讎紛起而若罔聞一面建築鐵路除從海參威至西卑利亞外經滿洲而達旅順牛莊使乘建領之勢將直入燕京規模雄大施設周密洵足聳動視聽矣嗚呼俄國何故張兵備如此汲汲於鐵路又如此也稍留心於時務者可於此事而忽之哉頃者英國陸軍大將西文將軍與俄國某報館主筆相晤指斥俄之兵備過大滔滔數千言頗足以資參考其說曰案西卑利亞鐵路幹線一千八百九十三年為聯絡本國與領土起見工程四千六百九十五英里鐵軌不設複線每二十四點鐘時得客車三房以輸送兵員工費五千六百萬磅另預備二百萬磅以充萬一之需然氣候遼遠寒人烟稀薄不便於施工且工程至難之處所在有之如貝卡爾湖其最者是以預兵費額竟究不免不足矣然俄不惟不顧慮之更投莫大資本推廣滿洲鐵路以擬抵燕京此果何所求而然況俄國內帑匱乏固無辨此帑款之力則勢不得不借貸於外也度支大臣維鐵氏慮其需財源於巴黎百靈之難若欲擬就倫敦市上籌辦者問其心事則答曰擬建築鐵路以振作商務耳雖然此藉辭柄於商務者其所志則在欲速軍事鐵路之成工耳增設海軍之議亦非為防禦海邊起見者也試觀列國之形勢與俄之國力比較其海軍雖以英之強大尚且未足以壓服俄國假令炮擊海參威旅順壞其炮臺燬其兵營以占一時之勝非多數陸師為之後繼則其城遂不可拔然則列國之難於構事可知矣日本僅隔一葦水比之列國稍得地利然北境寒威酷烈其便於動兵惟夏季三個月間則日本亦不甘為我首也明矣蓋俄國現有之海軍已足以防禦邊海復何須增設艦果有意於商務則何為不舉海軍經費九百萬金以充之於商務加之數年以來荒歉相踵餓殍盈道路死者以千數則移此款項以救助窮民不亦可乎抑俄之為國廣袤萬里樞要都邑深在內地地源散在各地氣候酷寒利於守而不利於攻儻強進大軍則不蹈拿破崙第一之覆轍者幾希且其接壤多比鄰貧弱國偶有德國非窺覷俄者故曰防禦上見之則俄現有之陸軍亦足以防禦邊塞不復見有擴張之要也不止見擴張之要現時歐洲列國中大減殺兵備而寸毫無損於國威者獨有俄國而已矣宜哉俄皇之首倡弭兵會以擬節減兵備也照錄博聞報原文



諭旨恭錄

○同日奉 上諭本日召見之江蘇補用道王澧著交軍機處存記欽此○同日奉 上諭御史劉家模奏豫省丁漕折價過重請旨切實核減一摺川縣經征錢漕屢經諭令各督撫嚴飭所屬按照現時銀價大加核減不准仍前浮收若如所奏河南州縣征收錢糧竟有折價至三千文以上者似此任意浮收殊屬不成事體著裕長確切查明分別酌中定價不准巧立名目額外加增以蘇民困而肅吏治欽此○十二日奉 上諭湖南岳州鎮總兵員缺著魯洪達補授欽此○十三日奉 上諭御史張奇鶴奏東海關苛斂出洋華民請飭酌減定章以除弊政一摺各省出洋華民前經降旨一律設法保護不准關津苛擾茲據該御史奏稱山東登萊等府民人出洋謀生東海關道於給發護照時每張收取筆墨等費為數甚鉅窮民受累不堪殊非朝廷體恤商民之意著裕祿毓賢轉飭該關道安定章程嚴行裁減并出示曉諭如有吏胥人等影射苛斂即行隨時懲辦以肅商政而杜侵漁欽此○同日奉 上諭雲南普興鎮總兵員缺著高徵光補授欽此○同日奉 上諭本日引見胡林翼之孫兼襲三等男爵候選郎中胡祖蔭加恩著以五品京堂用欽此○同日奉 上諭密夏將軍錫振著即前往奉天接署仁字營統領欽此


賣出酒密

賣發酒密烏

售發厨鐵名馳



嘗思養生之道所最要者則惟飲食其次則惟睡眠然必須有以善其始始無意外此本行鐵厨所以為 諸翁之所共賞也敢者本行所賣之鐵厨久已馳名於東方一帶而於叻坡則聲名尤著至本行所賣此等鐵厨已有三十年之久其製甚為堅固保能避火且其輪匙甚妙斷非盜賊等所能開計其厨全身均用鐵製成並無雜以木料且諸厨自前至今均為一式堅固耐用有優劣之分至於各厨大小不一而價值則約一百元至四百元凡用之者可保其不礙焚燒即火災亦無所損本行之鐵厨實為叻坡諸華商所喜購而本行每年所沽亦殊不鮮茲特為之錄佈倘諸君有惠顧者新即玉售
大清光緒二十三年十二月十八日



諸君有惠顧者新即玉售
明嗎也洋行謹啟

出品



啟者本行督辦歐洲馳名三品洋酒來叻發售其酒係白頭款式發售有年沽飲 諸君莫不稱其香美奈近有無恥之徒假冒本庄三品酒款式以圖魚目混珠情殊可恨嗣後 諸君購買本行白頭三品酒者請細認本號招牌之內有小紙包頭註明華字新嘉坡級明嗎也公司者始真若無此字樣即屬偽冒請為細認特此佈告 大英一千八百九十八年正月一號
明嗎也洋行謹啟

啟者茲本行由歐洲辦到上等密酒來叻發售其酒甚佳茲將標頭印出 諸君光顧祈為細認免致有誤近聞有無恥之徒假冒本行鎖匙標飲希圖魚目混珠最堪痛恨今本行再行核定於酒樽木枳內加鐵烙鎖匙形以示分別倘 諸君有知何人假冒請到本行報明即謝花紅銀二百大元經官訊定即能給發斷不食言再此酒不能販往 加勝巴 三寶瓏 泗里末 望加錫 檳榔嶼 日裡等處其他埠均能運往並此佈聞
大英一千八百九十八年正月一號
光緒廿三年十二月十八日
明嗎也洋行謹啟


啟者本行向由英國督辦各種美酒來叻發售久已遐邇馳名茲復由英新辦到頭雨士斗雲字號之狗頭票烏蜜酒到叻應沽此酒香美異常不惟飲之可口且能保養精神調和血氣常飲令人不生疾病誠酒國中上品也 諸君光顧應細看以上所列之狗頭標庶不致誤且價甚相宜倘 諸君有欲飲者請至本行取用可也此佈
大英一千八百九十八年正月一號
光緒廿三年十二月十八日
明嗎也洋行謹啟



敬啟者茲本公司親由法國督辦頂上好萬蘭池酒來叻發售其酒清香濃郁醇厚異常飲之誠可令人長血氣壯筋骨悅顏色妙美無窮今市上所有萬蘭池酒無有能出其右者誠佳饌中妙品也酒館本公司一家沽出餘無別家出售 諸君光顧請細認蜂窠標頭為記並細辨香味方不致誤價甚相宜倘有對份之齊者祈早至 惠臨購買是幸
大英一千八百九十八年正月一號
光緒廿三年十二月十八日
明嗎也洋行謹啟

新到美國椅發售

啟者本館新到花旗椅五十羅申價甚相宜計分數等每羅申價由十三元至二十五元 諸君有欲採辦者祈到本館觀看可也
大英一千八百九十九年正月十九號
巴越館主啟



由麻六坡甲實	由者隆同回英蓉	由英蓉往吉隆坡	在實叻往麻六甲
每逢禮拜二	每逢禮拜二	每逢禮拜二	每逢禮拜一
五日	四日	六日	五日
下午四點鐘開行	下午四點鐘開行	下午四點鐘開行	下午四點鐘開行

豐源號謹啓

金雞鐵樹補功藥酒 ○啟者此藥酒由德國 皇家大醫生專心博考知有金雞鐵樹產自德國壽如松柏之年採其精華配提神益氣素芝釀造而成昔年曾經呈送美國英國法國奧國俄國及天下諸大邦統計由各國皇家大醫士三百餘名考驗獎賜手書共三百餘紙純係稱贊此酒之功治男男女女氣弱血虧精神困倦筋骨痠痛不思飲食胃口呆滯頭眩眼花心驚恍惚夜不成寐腎虧失調小便淋瀝如飯湯等症長其發冷瘧症以及婦科月經失調或臨經腹痛病人愈後欠補有疾無疾皆可酌量而飲大能益精補髓更能治陽痿難舉之疾婦人飲之能令溫和子宮養顏肥體永無疾病相侵本局開創經三十餘載歷來不惜資本盡心製煉藥水藥油藥酒丹膏丸散屢試屢驗而德君醫生保赤存心無論內外新奇難症請臨診視藥到病回貧者不過索回藥費概免謝儀倘蒙惠顧祈到本藥房選沽自當格外從廉此佈 光緒貳拾伍年七月初四日 新嘉坡士庫街德神農大藥房謹啟

請認此標為記



試驗驗而德君醫生保赤存心無論內外新奇難症請臨診視藥到病回貧者不過索回藥費概免謝儀倘蒙惠顧祈到本藥房選沽自當格外從廉此佈 光緒貳拾伍年七月初四日

新嘉坡士庫街德神農大藥房謹啟

多惹士號頂上白漆發售

啟者本行現由歐洲多惹士著名工廠寄到所製之頂上白漆發售此等漆料較諸各家所製之極品白漆未嘗稍遜荷蒙英國皇家及素著聲望之製造家并本坡各船澳時常購用莫不盛稱其妙因其物料既精製作既善而價值復廉故也 諸君有欲購買大起者可至本號駐坡代理人巴智申西疊洋行選購如係購買零星者則至本坡中西各索路店均可 諸君光顧請認多惹士字號方不致誤特此佈聞 大英一千八百九十九年六月三號 巴智申西疊公司謹啟

頂上著名威實基酒


啟者本行現承歐洲赫赫著名酒廠之命為駐叻代理人售賣知知威實基酒 T. T. Whisky 此酒每箱十二枝計銀八元二角半 每桶十五牙蘭每牙蘭計銀三元五角 又有頂上舊庄葛智里勿蘭威實基酒 Colley Blend Whisky 發售此酒每箱十二枝計銀九元七角半 以上兩項均係歐洲著名美酒氣味香醇濃而不燥且能消暑醒胃解渴除煩保養精神怡悅顏色在於南洋各地常飲此酒更屬相宜 諸君賜顧請移玉駕臨本公司選購可也特此佈告 大英一千八百九十九年六月三號 巴智申西疊公司謹啟

瑞典國雪車藍標頂上原庄牛乳發客



啟者本庄所製牛乳悉選取上等原乳製成并不混雜糖料且復不生蛆蚋此等牛乳係欲備小孩及病人服食蓋其功能健脾潤肺保精養顏所益甚多故其銷場日盛一日即此已可見其乳質之美蓋此等牛乳雖云製熟入乳而用之者性味與新乳無殊 諸君有欲取討貨辦及英京化學攷究師忌利非所致之批評各報稱揚之說者向本行取討便得至可於附近各埠有顯代理售賣此庄牛乳者可向本行相商其在本坡客購者可向新嘉坡藥房 利濟藥房 英國大藥房 冥那藥房及 基俄雜貨店內採購便安特此佈聞 西一千八百九十九年六月七號 獨理代售人墊那路頭第八號門牌浮禮甫力下士富洋行謹啟

鐵廚出賣



啟者本行所售之鐵廚在本坡馳名已久素蒙 各君購用莫不盛稱其妙計此廚之大小共有五種而價甚相宜此鐵廚乃歐洲著名工師所製極為美善本坡所有西人 齊智人以及作椒蜜生理諸華商多向本行沽買以為貯銀之用因本行所沽者均用頂上物料製造而成不惟能壯觀瞻重且異常堅固無論火燒盜劫均可無虞 貨美價廉莫此為甚倘 各君有欲購此廚以收藏重寶者可至本行選閱此佈是幸 英一千八百九十八年正月十三號 丕殺呼谷公司即前加珍麥洋行啟

貨美價廉莫此為甚倘 各君有欲購此廚以收藏重寶者可至本行選閱此佈是幸 英一千八百九十八年正月十三號 丕殺呼谷公司即前加珍麥洋行啟

英打電音

○本坡實得力太晤士西報接廿二日英京來電云英國波士勿鎮船澳諸匠莫不兼工趕做其作工之時刻較於平日大有所增蓋當國家有事之秋亦無怪其如是也來電又云英國快船現已預備一切以便奉令即行至此舉係存何意則猶未見明文然據外間觀之則英之舉動係仿他國有起而干預者故特嚴備一切以消隱患於無形也來電又云現有打國兵軍一大隊已向金末里前進按金末里即薩拉石之區各國疆界皆在於斯故打國欲據而守之庶免地之精華歸於敵國也來電又云打國現忽出示云武左拿倫及危加蘭西境一帶現經撥入本國版圖而阿連芝河進北各區則當歸入阿國所轄云云按以上各部所向係歸英保護今打國兵軍猶未見其得利且兩戰皆北乃反出此等示諭欲將各地分入打阿二國版圖其意果屬何若祇如英電所述云云則是舉也能勿令人笑然耶然英國拿打國家則因打國出有此等示諭故亦出示云凡諸英籍之人雖有此等安示惟諸人之權力仍復如前慎無妄動云云

英埃電報 ○本坡實得力太晤士西報接廿二日英京來電云埃及蘇丹黨魁加里花已離英密基峇之境惟英統領吉職那則經決定不復窮追矣按前接電報有言英以精兵九千人進剿加東之加里花黨今接此電想必加里花見英兵勢大不敢與爭故離英密基峇而逃該處內地沙漠無垠英統領恐有他虞故特守窮寇莫追之訓也

荷電述英打戰務

○頃聞吧城荷報載有本月十六日荷京電稱十五日英打二國之軍在拿打之棉士打及亞頓咸兩地接仗戰氛甚惡在打國統領之意則欲將宜鄰高以至禮厘實密之鐵路攻掠故英與之接戰嗣又於距禮厘實密十六英里之處鏖戰一場兩軍皆有死亡來電又云前日打軍往攻馬非京一地計打軍之陣亡者七十人惟將附近該處之英營佔據而附近一帶所駐之英兵亦已陸登白旗惟尚未出降來電又云倫敦下議院前日會議英打之事議論紛紜如是緣某報館主筆實德刊出佈告所致營內有云前年梁臣私侵打國一事實係英藩部占勿連與有密謀該大臣於此一役確屬咎有難辭又非政府黨夏葛及伊尹氏亦明指占勿連用其勢力以成英打兩國之數云云十七日吧城又接荷京電稱英打二國兵軍在宜鄰高之惡戰打軍營壘已被英所奪并有巨炮五門為英所獲時有打軍九千人以巨炮攻擊英營英兵亦以巨炮還攻直戰至下午二點鐘時打軍乃敗故營壘遂被英所奪因查打軍紮營之處係踞山嶺巨石巉巖異常險阻迨至英兵奮勇而前三接三厲打軍知不能敵乃始向西而退據見者謂當兩軍鏖戰之際覺打國所放巨炮并不合法惟英軍隊伍則甚整齊而砲手等亦精熟異常甚為可向惟英總兵西文則已因傷殞命至英國所傳之電雖不免畧涉浮夸然現在打國之軍則實為不利蓋宜鄰高一役打軍死亡之數較於英兵增有三倍之多時打軍營壘異常險固自以為必保無虞不意亦被英軍奪而有之則英之勇敢亦可以知其概矣來電又云現據傍觀所料則峇斯多一部必於日間起兵侵擾阿國邊疆現有英兵一隊約近五千人已離沙淡敦一地馳往非南間英之意則欲將急高羅尼打蘭士目拿打阿連芝浮里士的及勞禮沙等地合而為一屬於英國即以此急打羽因為都會於此設立議院以便辦理一切事宜來電又云打軍現已進攻蘭尼一地至其勝負之數則猶未得而知目今凡禮斗溫及其他處之打國商民均已起而叛英近有管理火車人員及報館之採訪人等已被打國所擄然據現在風傳則謂馬非京附近所置之地雷業經炸發計打軍之死於是役者約近千五百人來電又云打軍已將金勿里南境之波珍實得林及模直河各橋梁毀壞來電又云倫敦下議院之非政府黨力攻占藩部云梁臣私侵打國之事該大臣實有與謀惟占大臣則力辨并未有與絲絲律串謀之事而非政府黨人實玷合即起向議院力稱該藩部辦理此事實有未善之處於是眾議紛紛如故特投筒以覘眾志迨至開票看視則言占藩部所辦為合者較於以不合者增有一百二十七人然當核定票數之時所有主戰諸員莫不起而齊聲喝采惟於彼此紛議之際占藩部經已自陳西本年八月間打國所請之條先由我英允准尋遂悔之云云十八日又接荷京電稱有麵粉一起計共三十萬担之多已被英軍襲取等語惟現在巴黎傳說聞列國有欲按照前在荷京所議兵會約中條款向英打兩國調停惟尚未悉事果能行否也因按法國自因埃及之事以來其心甚怨於英每欲乘機起而制英之命前者花梳打一役知難而止於是怨英之志益深今此調停之說出自法京所傳可知此意即係出自法人明知打蘭士目非英所敵誠恐英國得志於此故欲借調停之舉以阻英國進取之機獨是荷京之會尚未有成雖有約條惟未經列國書押遵行則今日之事雖欲出而調停奈英之不受也何哉然觀此一端則本報本日所錄英京電信令快船準備以候調用一事想即因防法人竊發起見也按以上所列電語係由荷報譯出核其所報與英電互有詳畧之處事關軍機要務故特彙而譯之閱者當與連日所登之英電參觀當可以會其概矣

進款預核

參政到叻

添習兵學

後循序漸進

○本坡工部局業將西來年即一千九百年所收進款預行核定計是年所得進項可至一百零八萬二千員之數云云

○白蠟官輪棉拿於廿一日行抵叻中而羅參政及其夫人乘坐該船到叻參政此來想因欲赴賽馬之會也

○京師大學堂聘到德國教習一員自八月二十二日起另設兵學一科報名願學約有六十餘人刻下先行教習步伐然後循序漸進又聞堂中學生添習體操亦係德教習所教云

○興泉永兵備道博心紅觀察以廈門日本租界一事調任延建邵各節歷誌前報茲悉觀察於本月初三日乘元凱官輪遣赴省會想當前前往接篆矣并聞是日觀察由虎頭山邊之龍泉宮登舟廈民男婦老幼焚香恭送人山人海幾不能以千百計先由小輪船駛近官輪沿海十三碼頭炮聲不絕備極熱鬧人語喧闐口碑載道各舖戶商人以及各保紳董士民又各送有萬人等不知其幾十兩也見官輪

船上異彩紛紜幾無位置處已而觀察登船眾百姓猶於草仔較望高石等處遙遙相望指手畫脚咨嘆太息直至輪去已遠不能復見始悵悵散去嗚呼如此民情不大可見哉尤可奇者聞草仔較諸乞丐亦各捐一百大錢買紙炮火藥等類共擡一尊大炮安置龍泉宮碼頭於觀察登輪時升炮為賀聲震遠近觀者咸嘆異焉時在港商輪亦為升旗誌慶觀察遣其屬員往謝始啓輪破淚而去說者謂廈島官聲之美從未見有如是之榮云

航海遇鯨 ○金捷豐帆船昨由暹羅之萬倫地方抵叻據該船之舵工閩人蔡某述稱十八日下午該船駛至彭亨海面忽覺有一小嶼當前阻其去路蔡固老於航海且在該處海道往來二十餘年並無海嶼今此嶼胡為乎來因與諸伴言之互相驚訝知為巨魚浮水爰不敢駛近迨至是晚十點餘鐘缺月東升之際映見該小嶼果有鱗光萬點因確知為巨鯨戲浪爰急轉舵避之不然則危險殆不可知矣

屍案判結 ○昨報小班蘭地方起獲客人何九流之屍棺一事查何係因得病亡故惟有人報到此事中有僥倖是以特飭起出屍棺送至屍場剖驗茲悉此案已由西醫隨同署驗屍官如經君親行相驗嗣驗得何之致死委係得病而亡並無別情故將原屍埋葬并將羈留之葉亞恭及第十四號二書差開釋免累無辜

廿二日晚堂公案 ○昨午巡理府提訊前報丹戎巴葛船澳第十九號貨倉內失去多賍由澳內總差將管倉諸伴叻產華人林文福徐德宗李岑芝陳清雲鄭家喜梁亞九及穆拉油人亞宋共七名拘獲送案并經起出原贓十餘件等情諸被告請有律師三人為之代訴是日府尊提訊一次命展至廿八日再訊○閩人吳家添請票拘獲潮人鄭亞德於案據稱住居亞兒然路去月廿五日有銀廿五員及板片一百四十件值銀廿員零八角為鄭取去久假不歸跡同欺騙故特將其拘控云云鄭向府尊求請展限俟覓証人府尊准其所請命展至念八日再訊被告責保二百員

廿三日早堂公案 ○本日早巡理府提訊前報叻產閩婦黃述娘請票拘獲潮人郭振記一案據原告供稱住居娘嗎吉路去月初五日往粵海廟燒香而回中途被郭搶去金釵三枝值銀一百二十元指戒指一枚值銀三百十五元共值四百三十五元郭得手後已被脫逃經氏報案請票引差將其拘送於案云云府尊提訊一次命展至十月初一再訊看郭覓人担保七百五十元保出在外候訊○客人林新喜請票拘獲同籍人黃源周於案據稱十六日被黃偷去衣箱一具內有洋銀二百元及衫褲等物值銀四十三員五角共值二百四十三員五角等語府尊訊畢命將此案展至十月初四日移交兩太守會訊看黃覓人担保五百員○施排埔捕房第四號四畫差羅巴控告該捕房第三百七十五號暗牌華差客人湯華於案據稱該差於二十晚向距坡十五英里蔡厝港潮人張忠喜處詐冒余名勒索賄賂四員經余查知爰即傳張為証控之於案云云府尊訊畢命暫展至明日再訊○第一百廿一號暗牌華差控稱廿二日上午十一點鐘在土庫街梭巡見有剪綰客人林宗朝伸手探入武吃人來智耶牙之衫袋中竊去銀紙一捲被余看見拘林送案即命該武吃人到案主控云云府尊訊畢判罰林監禁兩月又據竹脚捕房第六百四十二號暗牌華差控稱廿一晚七點半鐘在小坡海南街見有剪綰粵人黃利及劉亞九等數名挨近武吃人勞身身傍探其衫袋竊取洋銀五員余見之即呼第二百二十七號巡差協捕黃劉二人送案餘被逃走不獲云云府尊訊畢判罰黃劉各監禁十四日○粵人林亞海控其同籍人麥亞昌於案據稱住居丹戎巴葛船澳內工廠廿二晚余妻與麥妻偶因細故糾纏余因近前解勸欲將余妻扭回不意麥持木屨將余毆擊以致頭額受傷爰鳴捕拘麥送案云云府尊訊畢判罰麥銀十五員另覓人担保二十五員保其三個月不再滋事

撈獲屍身 ○廿三早船政局巡海差役在然申碼頭外海中撈獲華人屍身一具觀其裝束似係閩之散工經差將屍送至施排埔屍場剖驗惟尚未判明現聞此屍已有屍親到場查認矣

剛相籌餉咨文 ○照得本閣部堂承准軍機大臣字寄光緒二十五年八月初三日奉 上諭前據候選道譚啟瑞條陳廣東籌餉事宜呈請大學士榮祿代奏其單開之富商報效祠堂捐資尙屬無傷政體至厘金招商承充收集規費助餉兩條有無流弊必須熟察該省情形方能酌定剛毅曾任廣東巡撫諸臻熟悉即著按照該員所陳四條悉心酌核妥籌具奏原摺單著抄給閱看又聞汕頭有稅無厘能否設法酌辦以裨餉需之處并著通籌利弊詳悉奏陳將此諭令知之欽此遵 旨寄信前來合亟恭錄并抄錄原摺清單咨行 貴督部堂查照將單開各條是否可行悉心酌核越日咨覆至厘金歸商包辦一條前經議及今奉 寄諭自應遵照辦理應請 貴督部堂轉飭司道等傳集公正殷實商董妥籌辦法詳定章程總期有利無弊集成鉅款以補度支之不足是為至要須至咨者謹將候選道譚啟瑞原擬籌款節畧事例各條繕具清單恭呈 御覽 計開 一富商報効請獎查乾隆年間揚州鹽商報効數逾百萬有官至侍郎者近年如台灣林維源捐資數十萬亦賞京堂此外各省督撫因捐資請獎實官或賞舉人者屢見奏報廣東富商最重功名不與籍紳之列雖家資巨富亦為宗族不齒即以職道中而論新寧香山等縣商人在新舊金山一帶貿易家資千萬者四五百人數百萬者千餘人若前往勸諭有報効百萬數百萬者則請 特賞以待鄭京堂官階其報効稍次者亦酌獎實官舉人之類當可籌集鉅款若他姓富商亦聞風而起則尤未可限量 一祠堂捐資獎叙廣東風俗最重祠堂鄉村之中聚族至數百萬家必另立一祠其族大者則祠中經費尤為充足以職姓祠堂計之其殷實者通省勿慮數十處若廣為勸諭祠堂有捐資在萬兩以上者請 特賞 御書匾額一方一府一縣合并各祠之力捐資十萬以至數十萬者請依照各省捐助軍餉廣額之例

准廣該姓學額數名或竟做廣西邊字號之例每屆鄉試將該府縣該姓之卷另編字號之取中一名但有廣永廣之分須視捐項多寡而定本姓祠堂踴躍捐輸當可籌集鉅款其他姓祠堂不妨照此推廣一商賈承充釐金釐金之弊各省皆然偷漏繞越廣東尤甚是以釐金由官辦難於起色者則由富商承充承充之法如此項貨物每年納收釐金十萬者承充之人亦須繳納十萬或能增繳一二萬不等又於奏准承充隨繳集或鉅款或謂商賈承充者多官場得差者少不知承充者亦必請委彈壓是承充一事既可杜厘金之漏卮並無碍仕途之差委一收集規費助餉廣東賭風最盛而閩閩習以為常幾於家茲戶誦小民不為失業此風氣使然也近年於閩姓一項他禁開辦收其規費藉可挹注此外如白鴿票每年認繳銀員百餘萬四門規費每年認繳銀員五六萬上年為本省督撫禁止其實掩耳盜鈴禁猶未禁或託奸商包攬或由胥役獲庇禁令不行於百姓利權徒失之公家令請本地殷實之戶做照閩姓之例准其承辦以六年為限屆滿另易他人其每年認繳之款分為四季繳清開辦之初令先繳一兩季以為憑信合計四門兩項每年可集款百餘萬兩常年獲此以助軍餉不無小補以上節畧四條一事權歸一粵東民俗畏官而喜紳籌款之事官辦則趨避不前紳辦則立應如響倘事事稟承督撫審得必多且牽延時日無以見信轉滋疑忌若奉派前往假以事權事之與督撫無涉者督撫不得掣肘遇有緊要事件則由電陳庶幾事貴神速商民必歡欣鼓舞款項亦自籌措一隨時商定所擬節畧各條僅舉其大端其他項可以籌款者不一而足或事屬可行而向難遽定者當隨時電呈軍機處商酌可否以便遵行一揀派之員富商或遠在外洋祠堂亦散處州縣一人勸導勢必難週擬派隨員數人揀擇本地公正紳士眾望素孚者分往各處襄理其事如分撥應用為款項較多擬分起解速以期便捷盡解現銀亦恐難於周轉或以數成交商號匯兌應俟臨時斟酌以上例四條按此單大畧經登前報茲得全文合再錄之

輪換值日督理啟 ○啟者本院之設十有餘載前輩創立規模莫不美善兼備亦賴後繼維持庶歷久而弗替義年所議之值日督理更番到院董理日務事誠甚妥所因年照舊未免厭煩近日以來多有故事虛應到者亦屬寥寥似此善舉日弛理宜再加整頓以符立院初規茲集眾公議將值日督理一年一換遞年八月總理交盤之日即換值日之期每月每號輪值一日計滿一年另行再舉月僅一次俾眾樂為爪代有期使無生厭眾力共施推廣可期刊登數言佈告同志今將本年公舉新班芳名錄左

福建幫 源盛號 復安號 新合吉 鼎和興 竹安號 合源號 永和興 錦南興 和祥號 允昌號 建芳號 德茂號 振慶號 集茂號 協利號 瑞源厚 合隆號 順泰號 萬瑞芳 源成興 振泰號 協振號 協安號 益成號 萬源興 源晉成 潮州幫 和成號 泰隆號 捷成號 豐利棧 和合號 恆成號 陳生利 廣榮茂 炳利號 利豐號 再合號 永茂順 裕盛棧 榮泰豐 萬瑞隆 致祥號 萬豐號 永利順 大興號 元發棧 振榮號 泰裕棧 森峰棧 楊添發 廣順昌 永發號 廣惠肇嘉瓊幫 振德興 羅奇生 朱廣蘭 同德號 朱有蘭 福興隆 羅致生 廣祥生 綸盛號 天益隆 廣和興 永生號 吉祥泰 湯廣生 麗章號 何發順 南興隆 源成豐 萬安和 同安堂 龍昌號 協裕生 廣華生 以義號 廣恒號 裕昌隆 義安號 新英泰 乾泰號 何萬山

當年總理 福茂號裕發號羅致生廣和興陳恆茂瑞春號萬安和錦綸號等全啟
大清光緒貳拾伍年玖月貳拾叁日

退股聲明 ○啟者新嘉坡十三行後街第五十六號門牌榮源號海嶼雜貨生理原係蔡苑飛蔡紹隆劉紹記陳鐸記四人自戊戌年九月合夥開創今因陳鐸記志圖別業願將名下應得股份照與夥內承受請到公親陳秉居陳鴻光兩位仁翁秉公核算明白即將陳鐸記名字註消而該承賠銀項亦即當公親面前親交陳鐸記收訖日後生理盈虧概與陳鐸記無涉倘陳鐸記有與諸親揭借進對銀項惟向經手是問不干榮源號夥內之事謹此聲明以免後論此告 大清光緒貳拾伍年玖月貳拾叁日 榮源號告白

承頂聲明 ○啟者小坡美芝律第二百八十三號門牌信隆號打金店原係陳文在陳華良陳良欽三人合股同創茲陳良欽志圖別業即經請到公親陳捷才翁駕臨秉公核結清楚將陳良欽名下所佔之股份頂與陳安懷承受經於本月初一日交易而陳良欽應得之退股銀項經已當眾收清日後信隆號生理盈虧概與退股人陳良欽無涉特此聲明免滋後論 光緒貳拾伍年拾月貳拾貳日 承頂人陳安懷謹啟